



Sogn regionråd

Møteinkalling

Utval: **SOGN REGIONRÅD**

Møtestad: Scandic Ørnen, Lars Hillesgt 18, Bergen

Møtedato: 13.02.2018

Tid: 13:00 - 16:00

Eventuelt forfall skal meldast til telefon 57 62 96 14 - Varamedlemmar møter etter nærmere avtale.

Dagsorden

Møte i Sogn regionråd, Scandic Ørnen, Lars Hillesgt 18

1215	Lunsj
1300	Oppmøte Godkjenning av innkalling og sakliste Godkjenning av protokoll frå møtet 8.12.2017
1305	Legevaktpilot - modell for organisering av legevakt i små og mellomstore kommunar Assisterande fylkeslege Linda Svori, Fylkesmannen i Sogn og Fjordane (skype)
1335	Vurdering av risiko- og sårbarheitsanalyse innan akuttmedisin Mogleg modell for legevaktsamarbeid i Sogn Konsulent Helge Ulvestad Drøfting: Deltaking i pilotprosjektet og styrka legevaktsamarbeid
1445	Pause
1500	Handsaming av saker i Sogn regionråd
1600	Møtet slutt

Karrieremesse Framtidsfylket, Grieghallen

1615	Oppmøte Grieghallen
1630	Felles pep-talk - Framtidsfylket informerer standdeltakarane
1700	Gjestene kjem - messa varer til kl 21

Etterfest for standdeltakarane frå kl 21, Cafe Opera, Engen 18.

Sakliste

Saksnr.	Arkivsaksnr.
Tittel	
1/18	17/2760-6 Risiko- og sårbarheitsanalyse innan akuttmedisin og styrka legevaktsamarbeid
2/18	17/4092-3 Sognefjord Bike & Hike - søknad om midlar til forprosjekt
3/18	18/472-1 Orienteringssaker Sogn regionråd 13.2.2018
4/18	18/475-1 Val av leiar i Sogn regionråd 2018

Sogndal, 6.2.2018

Petter Sortland
leiar

Karina Nerland
dagleg leiar

Saksh.: Karina Nerland	Arkiv: X20 &32
Arkivsak: 17/2760	

Saksnr.: Utval	Møtedato
1/18 Sogn regionråd	13.02.2018

Sak 1/18

**Risiko- og sårbarheitsanalyse innan akuttmedisin og styrka
legevaktsamarbeid**

Tilråding:

Sogn regionråd tek vurdering av risiko- og sårbarheitsanalyse innan akuttmedisin av 5.2.2018 til vitande.

Sogn regionråd søker om deltaking i pilotprosjektet for utprøving av legevaktmodellar i små og mellomstore kommunar.

Vedlegg:

Vurdering av risiko- og sårbarheitsanalyse innan akuttmedisin for kommunane i regionen, 5.2.2018

Saksutgreiing:

Bakgrunn:

Sogn regionråd vedtok i møtet 15.9.2017 å setja av midlar til ein regional risiko- og sårbarheitsanalyse (ROS) innan akuttmedisin, og helsegruppa fekk eit utvida mandat knytta til analysearbeidet. ROS-analysen vart sett i gang med grunngjeving i Helse Førde sitt arbeid med prehospital plan. Gjennom ein analyse som kartlegg ressurssituasjonen og vurderer den lokale akuttberedskap, får kommunane eit underlag som kan nyttast i høve innspeil til foretaket sitt planarbeid.

Delavtalen nr 11 mellom Helse Førde og kommunane viser m.a. til at kvar kommune må gjera ROS-analyse. Akuttforskriften peikar på heile kjeda og kommunane har eit sjølvstendig bereskapsansvar.

Som det framgår av vedlegget har ikkje alle kommunane laga ROS-analyse. Dei som har laga analyse har gode oppsett, men dei fleste analysene synleggjer i liten grad eit samla risikobilete. Analysen innehold ei samanstilling av kommunane sine ROS-analyser og peikar på at det kan vera behov for ei breiare vurdering av samla risikobilete i kommunane. Kommunane vert oppmoda om å arbeida med heilsakleg beredskapsanalyse. Analysen gir vidare ei førebels vurdering av akuttberedskap, legevaktteneste og ambulansetenester i den einskilde kommune. Vurderingane harmonerer i stor grad med tankar presentert i modellen frå Helsedirektoratet om legevaktpiloten som er omtalt under.

Arbeidet med prehospital plan er nyleg starta og det er etablert ei prosjektgruppe. Helse Førde kjem ikkje med endringar i ambulansestrukturen medan prosjektgruppa arbeider. Av nettsida framgår det at Helse Førde har styrka ambulansedrifta med kr 16,5 millionar i 2018. Dette for å oppretthalde noverande struktur og skape ro kring ambulansesituasjonen medan

prosjektgruppa arbeider. Prosjektgruppa vil i løpet av 2018 kome med framlegg til ny ambulansestruktur. Dei vil i den vidare prosessen levera fleire alternative modellar innanfor ulike økonomiske rammer.

Helse Førde er inne i første fase av arbeidet med prehospital plan. Rapport frå den første fasen i arbeidet kjem på høyring i mars.

Dei ulike sidene av akuttmedisinsk beredskap har vore drøfta i helsegruppa sine møte i 15. november og 17. januar. Helsegruppa er uroa for ev. endringar i ambulansestrukturen.

På det akuttmedisinske seminaret den 9. januar var tema prehospitale tenester og Helse Førde sitt arbeid med den prehospitale planen. Det vart også informert om Helsedirektoratet sitt pilotprosjekt om å prøve ut ulike legevaktmodellar i små og mellomstore kommunar.

Målet for dette pilotprosjektet er «å sikre en bærekraftig og forsvarlig lokal akuttmedisinsk tjeneste i områder som har utfordringar med tjenesten i dag». Bakgrunnen er dei store utfordringane knytta til rekruttering og stor vaktbelastning, nye kompetansekrav i akuttmedisinforskrifta, store legevaktdistrikts og uklare ansvarslinjer i legevaktordninga i dag.

Modellen er tenkt i eit større geografisk område med spreidd busetnad. Direktoratet ser det som særleg interessant å prøve ut modellen i område med allereie interkommunalt samarbeid både på legevaksentral og legevaktdistriktnivå. Det vert lagt opp til å prøve ut tre ulike nivå: 1. forsterka legevaksentral med lege som er spesialist, 2. legar i vakt som har direkte pasientkontakt på ulike stasjoner, og 3. satelitt som består av helsepersonell, helst sjukepleiarar som går døgnvakt i kommunen eller ambulansepersonell som utfører definerte oppgåver i samråd med lege på nivå 1 og 2.

Fylkeslegen informerte rådmannsgruppa om piloten i sist møte 30.1. Fylkesmannen ønskjer tilbakemelding om kommunane vil delta i piloten eller ikkje i løpet av februar, og innan konferansen dei arrangerer 2. mars. Det kan vera ein eller fleire søknader i fylket. Det er sett av kr 10 mill til prosjektet og det kan bli fleire små eller ein stor pilot.

Vurdering:

Akuttkjeda sine utfordringar i fylket er mellom anna knytta til reiseavstander, forventa innbyggjarutvikling, rekruttering av helsepersonell og formelle krav til legevakt og bakvakt.

Legevaksituasjonen og legevaksorganiseringa står sentralt i høve til vurdering av beredskap og akuttmedisinske tenester. Helsegruppa har drøfta pilotmodellen og meiner modellen skisserer kjende utfordringar og indikerer tiltak som kan bidra til å løysa utfordringane i regionen i høve akuttmedisinsk beredskap og i høve til drift av legevaktene. Helsegruppa tilrår at regionen søker deltaking i pilotprosjektet for å kome vidare med legevaktordning som del av den lokale akuttberedskapen.

Med bakgrunn i utfordringane mellom anna knytta til reiseavstander, rekruttering og kompetansekrav vurderer administrasjonen piloten som interessant å prøva ut. Administrasjonen si tilråding er at regionrådet søker om deltaking i prosjektet for legevaktmodell for små og mellomstore kommunar.

Midlar som var sett av til ROS-analysen innan akuttmedisin i regionrådsmøte 15.9.2017 og som er unytta kan brukast til prosjektsøknad for legevaktpiloten.

Dei avsette midlane vil også brukast i samband med til høyring av prehospital plan. Dette for å få faglege vurderinger og innspel som grunnlag til drøftingar og fråsegn frå regionrådet.

Saksh.: Karina Nerland
Arkivsak: 17/4092

Arkiv: Q21 &40

Saksnr.: Utval
2/18 Sogn regionråd

Møtedato
13.02.2018

Sak **2/18**

Sognefjord Bike & Hike - søknad om midlar til forprosjekt

Tilråding:

Sogn regionråd løyver kr 150 000 av regionale utviklingsmidlar for 2018 til Visit Sognefjord til prosjektet «Sognefjorden Bike & Hike».

Vedlegg:

Søknad frå Visit Sognefjord 4. februar 2018
Presentasjon i næringsnettverket 20.11.2017

Saksutgreiing:

Bakgrunn:

Visit Sognefjord søker om midlar til forprosjekt for å utvikla sykling som produkt i Sogn. Fjord Norge og NCE Tourism har ei regional satsing på sykling og vandring. Visit Sognefjord ønsker å etablere ei sterkare satsing på sykling og vandring i Sogn. Visjonen er at Sogn skal bli «Norges Süd-Tirol» innan sykling, der sykling vert kopla til vandring, lokalmat og andre aktivitetar og overnatting. Bakrunnen for prosjektet er mellom anna studieturen til Süd-Tirol i oktober 2017.

Visit Sognefjord viser til at for å utvikla sykling som produkt er det behov for ei overordna satsing på betre infrastruktur og samarbeid. Det bør byggjast opp sykkelvegnett i regionen og få fleire bedrifter til å levera tenester til sykkelleige. Sykkelopplevelingar som reiselivsprodukt kan med relativt små investeringar la seg iverksetja av små aktørar/bedrifter, og kan kombinerast med annan drift/tilbod. Ei slik satsing vil involvera andre bedrifter på rutene knytta til lokal mat/ servering, aktivitetar og overnatting. Gjennom prosjektet vil ein byrja på dei strekningane som finst i dag og byggja opp rutene gradvis. Prosjektet gjeld utvikling av lett tilgjengelege sykkelvegar som har lite biltrafikk. Stisykling ligg utanfor dette prosjektet.

Målet for prosjektet er å ha fleire pakka, tilrettelagde og kvalitetssikra tilbod innan sykling, profesjonell sykkelutleige og organisering av rutene, sykkelrelaterte tilpassingar på hotell og overnattingsstader (sykkelvask, sikker oppbevaring av sykkel, vask av sykkelklede), gode ordningar for bagasjetransport, skilting av offentleg veg og gode turbeskrivingar med kart (både digitalt og analogt) og auka kompetanse på marknad og distribusjon.

Næringsnettverket i Sogn fekk orientering om skisse til prosjektet i møtet 20. november. Som del av forstudien vart det etter møtet gjort ei første kartlegging og innhenta informasjon frå næringsansvarlege i kommunane om aktuelle ruter og aktørar for utleige, guiding, vedlikehald og transport.

Forprosjektet skal konkretisere kva oppgåver/prosjektområde som prosjektet skal jobbe med og avklare korleis prosjektet skal organiserast. Vidare skal moderne produkt identifiserast og løftast fram i marknaden allereie i forprosjektet. Når forprosjektet er gjennomført har Visit Sognefjord eit avgjerdsgrunnlag for å vurdera om det er formålstenleg å gå inn i ein realiseringfasen, og kva som er tilrådd innhald og organisering i hovudprosjektet.

Forprosjektet skal levera ein rapport med tilråding til modell og prosjektplan med mandat for hovudprosjektet. I løpet av forprosjektet vil det gjerast ei kartlegging av prosjektet som inneber dialog med reiselivsbedrifter og andre aktørar for å konkretisere prosjektet. Med utgangspunkt i kartlegginga i forprosjektet vil delprosjekta bli konkretisert og vil bli iverksett i hovudprosjektet.

Visit Sognefjord søker om tilskot kr 150 000 til forprosjektet, jf vedlegg.

Vurdering:

Sykling har aukande popularitet, både i kvardagen og i ferie. Tilbakemeldingane i forstudien viser at det er interesse for å drive med utleige og fleire reiselivsbedrifter tilbyr sykkelutleige. Som vist i søknaden kan det offentlege tilretteleggja for aktørane si utvikling og medverka med finansiering. Aktørane innanfor reiselivsnæringane har sjølv ansvaret for eigen aktivitet og lønnsemrd. Visit Sognefjord er pådrivar for produktutvikling i regionen og arbeider for auka verdiskaping knytt til reiselivsnæringa i Sogn.

Ein av strategiane til Sogn regionråd er å støtta Visit Sognefjord som verktøy for reisemålsutvikling, jf regionalplanen 2017-2020. I handlingsplanen for 2018 har regionrådet vedteke å støtte Visit Sognefjord si satsing på sykling i regionen. Administrasjonen tilrar at regionrådet støttar ei slik målretta og langsigting sykkelsatsing. Sogn regionråd vert samarbeidspart i prosjektet og vil bidra til forankring av arbeidet i kommunane.

Administrasjonen rår til at kr 150 000 av dei regionale utviklingsmidlane for 2018 vert løyvd til forprosjektet Sognefjord Bike & Hike.

Saksh.: Karina Nerland
Arkivsak: 18/472

Arkiv: 062

Saksnr.: Utval
3/18 Sogn regionråd

Møtedato
13.02.2018

Sak **3/18**

Orienteringssaker Sogn regionråd 13.2.2018

Orienteringar og drøftingar

1. Legevaktpilot - modell for organisering av legevakt i små og mellomstore kommunar ve assisterande fylkeslege Linda Svori, Fylkesmannen i Sogn og Fjordane (skype)
2. Vurdering av risiko- og sårbarheitsanalyse innan akuttmedisin og mogleg modell for legevaktsamarbeid i Sogn ved konsulent Helge Ulvestad.
3. Leiar
4. Innspel frå medlemane
5. Arbeidsgruppene
6. Rådmannsgruppa
7. Administrasjonen
 - 1) Bevaringsområde for hummar
 - 2) Bustadutvikling i Sogn
 - 3) System for styrka læring: Partnarskapsmøte psykisk helse 12. februar
 - 4) Partnarskapsmøte om fleire læreplassar i Sogn 3. mai

Skriv og meldingar

1. Samarbeidsavtale mellom Sogn og Fjordane fylkeskommune og Sogn regionråd
2. Framtidas sivilforsvar, Sogn og Fjordane sivilforsvarsdistrikt, 7.12.2017
3. Bibliotek som tema i Sogn regionråd frå Sogn og Fjordane fylkeskommune, 18.12.2017
4. Flyruter og planar ved Sogndal lufthamn Haukåsen, brev av 2.1.2018
5. Offentleg ettersyn av Strategi for senterstruktur og tettstadsutvikling i Sogn og Fjordane – 26.1.2018

Saksh.: Karina Nerland
Arkivsak: 18/475

Arkiv: 033 &85

Saksnr.: Utval
4/18 Sogn regionråd

Møtedato
13.02.2018

Sak 4/18

Val av leiar i Sogn regionråd 2018

Tilråding:

For 2018 vert

- --- vald som leiar i rådet
- --- vald som nestleiar i rådet.

Saksutgreiing:

I samsvar med vedtekten §3 skla det på første rådsmøte kvart år veljast leiar og nestleiar.

Oversyn over leiarverva dei seinare åra:

Petter Sortland, leiar frå 2016 med Jan Geir Solheim som nestleiar
Harald N. Offerdal, Balestrand kommune var leiar i 2014 og 2015
Norald Distad, Aurland kommune var leiar i 2012 og 2013
Torodd Urnes, Luster kommune var leiar i 2010 og 2011
Jarle Aarvoll, Sogndal kommune var leiar i 2009
Marta Finden Halset, Vik kommune var leiar i 2008
Olav Lunden, Leikanger kommune var leiar i 2006 og 2007
Knut O. Aarethun, Lærdal kommune var leiar i 2004 og 2005